



# Sa lager lelefan dan LDS

## Pa pou

## Parti Lepep

**P**arti Lepep ki en parti politik responsab e annan Seselwa a ker, in deside pour les sa lager lelefan dan LDS trankil e konsantre lo travay son parti. I pa pe boykot sa eleksyon parsyel malgre i pa pe pran par. I senpleman pe dir avek Seselwa e zabitan Anse Boileau ki sa set en konfli ki LDS pou bezwen rezourd antre zot. (kont...p2)

# Sa lager lelefan dan LDS Pa pou Parti Lepep

(Kont...p1)

**I**en desizyon ki Parti Lepep in pran e nonpa en desizyon Prezidan Danny Faure.

53 an legzistans in ansenny nou en leson valab dan politik e dan lavi ; pour konn swazir nou batay, konnen kan ki i letan aproprye pour bataye.

Annefe Parti Lepep i annan plis pour perdi ki gannyen si i partisip dan sa eleksyon ; pa ki i pou perdi

eleksyon. Me plito an term lavenir son parti e prosen eleksyon dan Sesel.

Eleksyon parsyel pa vedir i en lager pour zabitan Anse Boileau, se lager dan LDS.

Anse Boileau ek Sesel napa nan-ryen pour benefisyek sa lager ni ek rezilta sa eleksyon. Zabitan in avoue zot menm ki se biro gou-vernman atraver Ladministrasyon

Distrik ki'n travay pour zabitan dan labsans en reprezantan Parti Lepep dan Lasanble Nasyonal. Striktir Parti lo nivo distrik i kontinyen zwe son rol pour tenir zabitan Anse Boileau.

Sa ki pou kapab arive ek zabitan Anse Boileau, se ki zot kapab ganny kraze dan sa lager. Nou tou nou konnen ki arive ler lelefan i lager.

# Sa eleksyon i imoral e pa nesesser

**P**andan en letan kot Gouvernman pe mobiliz son bann resours pour retir laprovrete e adres bann priy-  
orite pei tel ki pri lavi, konstrir plis lakaz, e dil ek bann prob-  
lenm sosyal, apre ki LDS ti koupe e blok gran konponan sa pli gro bidze, zot rod eleksyon pour depans larzan.

Zot pe al servi larzan L'Eta pour

finans sa divizyon ki egziste antre zot. Eski sa i normal ? Initil zot dir ki Parti Lepep ti fer sa Anse aux Pins.

Sa ki ti arive an 2012 dan distrik Anse aux Pins ti an rezilta en kapanny lopoziyon pour fer sa MNA Lepep demisyonnen. E lakoz sa presyon ti en lensidan ki ti an deor kontrol Parti Lepep. I pa ti en divizyon oswa en problem politik

dan Parti Lepep me plito en lensi-  
dan personnel ki lopoziyon ti kap-  
italiz lo la pour lans en kanpanny  
tou le semenn dan zot zournal  
pour demande ki sa MNA i demisy-  
onnen.

Sa ki enportan pour zabitan Anse Boileau e Seselwa an zeneral konnen se ki sa eleksyon pa pe al fer okenn diferans dan zot lavi.

# Kritik kimanyer zot anvi

**N**ou konsyan ki lopoziyon Nsirtou zot aktivis pou lans en kanpany pour kritik Parti Lepep e dir ki nou per nou ti pou perdi, sanmenm rezon ki nou pa pe pran par.

Nou bann siporter pa merit panik oswa krwar zot lenbesilite.

Nou profite pour rezet zot kritik-Parti Lepep pa pe 'chicken out'. Son kandida i annan otan potan-syel parey nenport ki kandida ki pe

partisip dan sa eleksyon. Me Parti Lepep i dir ek zabitan pasyante-Parti Lepep pou rebran son distrik dan prosen eleksyon. Antretan Parti Lepep i reste solid e i pa perdi son konsantrasyon.